



**CONVENIO DE COLABORACIÓN ENTRE A CONSELLERÍA DE SANIDADE, O SERVIZO GALEGO DE SAÚDE, A SOCIEDADE CONCESIONARIA NOVO HOSPITAL DE VIGO, S.A. E A ASOCIACIÓN A HORTA DO CUNQUEIRO, PARA A POSTA EN MARCHA DUNHA HORTA SANITARIA SAUDABLE NO HOSPITAL ÁLVARO CUNQUEIRO, BASEADA NA ECONOMÍA CIRCULAR**

**MEMORIA XUSTIFICATIVA DE UTILIZACIÓN DA FIGURA DO CONVENIO**

O Xerente do Servizo Galego de Saúde, DECLARA:

O Conselleiro de Sanidade e Presidente do Servizo Galego de Saúde formalizou o día 17.04.2026 coa Sociedade Concesionaria do Novo Hospital de Vigo (SCNHV) e máis ca Asociación A Horta do Cunqueiro o instrumento convencional arriba referido por un período de vixencia que abrangue dende o 17.04.2026 ata o 16.04.2030.

Que o instrumento convencional ten por obxecto, segundo expresa o texto do acordo *regular a posta en marcha e funcionamento da horta biosaudable do Hospital Álvaro Cunqueiro, así como os compromisos das partes que garantan que o desenvolvemento do proxecto se realice en condicións óptimas de seguridade técnica e xurídica.*

Deste xeito, e segundo o estipulado polo convenio *que as actividades vinculadas a este teñan unha repercusión positiva sobre a comunidade hospitalaria e o entorno social ao que se dirixe.*

Que existe converxencia de intereses entre as entidades asinantes en orde á consecución do obxecto referido.

Que o instrumento convencional asinado fundaméntase no seguinte:



*Que o artigo 33.1 do Estatuto de Autonomía de Galicia, aprobado pola Lei Orgánica 1/1981, do 6 de abril, prevé que lle corresponde á Comunidade Autónoma o desenvolvemento legislativo e a execución da lexislación básica do Estado en materia de sanidade interior.*

*Que o apartado cuarto do devandito artigo dispón que a Comunidade Autónoma poderá organizar e administrar a tales fins e dentro do seu territorio todos os servizos relacionados coas materias antes expresadas, e exercerá a tutela das institucións, entidades e fundacións en materia de Sanidade e Seguridade Social, reservándose o Estado a alta inspección conducente ao cumprimento das función e competencias contidas neste artigo.*

*Que o artigo 92 da Lei 8/2008, do 10 de xullo, de saúde de Galicia, establece que para o axeitado desenvolvemento das competencias, que, no ámbito sanitario corresponden á Comunidade Autónoma de Galicia, configúrase o Servizo Galego de Saúde, creado pola Lei 1/1989, do 2 de xaneiro, como un organismo autónomo de natureza administrativa, dotado de personalidade xurídica de seu e plena capacidade para o cumprimento dos seus fins.*

*Que a Dirección Xeral de Recursos Económicos do Servizo Galego de Saúde, en uso da competencia delegada polo Decreto 311/2009, do 28 de maio e a Orde do 15/06/2009, formalizou o 21/02/2011 un contrato coa SCNHV.*

*Este contrato ten por obxecto a redacción do proxecto técnico, financiamento, construción e explotación de determinados servizos non clínicos do Complexo Hospitalario Universitario de Vigo.*

*O dito hospital conta cun espazo habilitado no xardín da cuberta exterior da planta cero, apto para a instalación dunha **"HORTA BIOSAUDABLE"** de carácter sanitario, destinada á promoción da saúde, a inclusión social e a educación ambiental.*

*Que ambas partes coinciden no interese común de desenvolver esta iniciativa no marco da responsabilidade social e ambiental, sen que supoña ningún incremento do gasto público por parte da Administración, sendo este gasto xestionado pola*





*Asociación e, en calquera caso, avalado pola SCNHV ata o fin da duración do presente Convenio e, se é o caso, da súa prórroga, polo compromiso que asume dita sociedade de investir parte dos seus beneficios en accións de impacto social e medioambiental.*

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, pola que se traspón ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estimouse xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria en Santiago de Compostela na data da sinatura dixital

O xerente do Servizo Galego de Saúde

José Ramón Parada Jorgal

